

Broj: 01-07-1311-42/09
07-02-1592-34/25/09
07-02-1593-29/26/09
01-07-198-27/10

Mostar, 11.03.2010. godine

Na osnovu člana 14. i člana 15. Zakona o električnoj energiji („Službene novine Federacije BiH“ broj 41/02, 24/05, 38/05, 61/09), člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), te člana 31. stava (2) Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), člana 45. stava (3) i člana 50. stava (1) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05), Odluke o provođenju četvrtog tarifnog postupka broj 01-07-1311-02/09 od 05.11.2009. godine, Odluke o provođenju trećeg tarifnog postupka broj 07-02-1593-07/26/09 od 24.02.2010. godine i Odluke o planu aktivnosti na provođenju postupaka formalnih rasprava tokom trećeg i četvrtog tarifnog postupka broj 01-07-1311-16/09, 07-02-1593-08/26/09 i broj 01-07-198-03/10 od 24.02.2010. Regulatorna komisija za električnu energiju u Federaciji Bosne i Hercegovine – FERK je na III redovnoj sjednici održanoj u Mostaru dana 11.03.2010. godine, donijela sljedeću

O D L U K U

o izmjeni planiranog datuma održavanja formalnih rasprava

Član 1.

(1) Mijenjaju se planirani datumi održavanja formalnih rasprava i to datumi formalne rasprave po Zahtjevu za odobrenje tarifa za djelatnost distribucije električne energije koji je u FERK primljen 23.12.2009. godine pod brojem 07-02-1593/26/09, formalne rasprave u postupku pokrenutom na inicijativu FERK-a, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te formalne rasprave o tarifnim stavovima za Javno poduzeće „Elektroprivreda Hrvatske zajednice Herceg Bosne“ dioničko društvo Mostar, iz člana 3. Odluke o planu aktivnosti na provođenju postupaka formalnih rasprava tokom trećeg i četvrtog tarifnog postupka broj 01-07-1311-16/09, 07-02-1593-08/26/09 i broj 01-07-198-03/10 od 24.02.2010. godine.

(2) Formalne rasprave iz stava (1) ovog člana održat će se, u prostorijama FERK-a, na adresi Blajburških žrtava br. 33, Mostar, prema sljedećem rasporedu:

Predmet formalne rasprave	Datum i vrijeme formalne rasprave
Distribucija električne energije	26. i 27.04.2010. u 9:00 sati
Snabdijevanje električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca	28. i 29.04.2010. u 9:00 sati
Tarifni stavovi	04. i 05.05.2010. u 9:00 sati

Član 2.

(1) Prije održavanja formalnih rasprava iz člana 1. ove odluke, održat će se pripremne rasprave radi odlučivanja o rasporedu radnji i drugim proceduralnim pitanjima kojim se upravlja tokom postupka.

(2) Formalne rasprave iz člana 1. ove odluke su otvorene za javnost, ali u istim mogu učestvovati zaposlenici FERK-a, Javno poduzeće „Elektroprivreda Hrvatske zajednice Herceg Bosne“ dioničko društvo Mostar i umješači.

Član 3.

Obavještenje za javnost o promjenjenom vremenu održavanja formalnih rasprava iz člana 1. ove odluke objavit će se u „Dnevnom listu“, „Oslobođenju“ i na web stranici FERK-a, na dan 12.03.2010. godine, i isto će sadržavati informaciju da na formalnim raspravama mogu učestvovati zaposlenici FERK-a, Javno poduzeće „Elektroprivreda Hrvatske zajednice Herceg Bosne“ dioničko društvo Mostar i umješači.

Obavještenje iz stava (1) ovog člana sastavni je dio ove odluke.

Član 4.

Ova odluka stupa na snagu danom donošenja, te se objavljuje na web stranici i oglasnoj tabli FERK-a, a dispozitiv ove odluke i u „Službenim novinama Federacije BiH“.

Образложење

Članom 45. stavom (1) Pravilnika o javnim raspravama i rješavanju zahjeva i žalbi FERK-a propisano je da u periodu od osam dana nakon zakazivanja datuma održavanja formalne rasprave, ali ne kasnije od osam dana prije održavanja formalne rasprave, FERK obavještava javnost o datumu zakazane formalne rasprave objavljivanjem u jednom od pisanih medija na cijeloj teritoriji Federacije Bosne i Hercegovine i na web stranici FERK-a, dok je članom 50. stavom (1) istog Pravilnika propisano da nakon početka postupka formalne rasprave FERK zakazuje formalnu raspravu radi utvrđivanja činjenica.

Dana 24.02.2010. godine FERK je na svojoj II. redovnoj sjednici donio Odluku o planu aktivnosti na provođenju postupaka formalnih rasprava tokom trećeg i četvrtog tarifnog postupka broj 01-07-1311-16/09, 07-02-1593-08/26/09 i broj 01-07-198-03/10. Ovom Odlukom je u članu 3. naveden i planirani raspored održavanja formalnih rasprava u tarifnim postupcima za Javnog poduzeća „Elektroprivreda Hrvatske zajednice Herceg Bosne“ dioničko društvo Mostar i to formalne rasprave po Zahtjevu za odobrenje tarifa za djelatnost distribucije električne energije koji je u FERK primljen 23.12.2009. godine pod brojem 07-02-1593/26/09, formalne rasprave u postupku pokrenutom na inicijativu FERK-a, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te formalne rasprave o tarifnim stavovima za Javno poduzeće „Elektroprivreda Hrvatske zajednice Herceg Bosne“ dioničko društvo Mostar.

Obzirom da je došlo do izmjene planskih aktivnosti FERK-a, uslijed neodloživih obaveza FERK-a na zasjedanju Generalne skupštine Regionalnog udruženja energetske regulatora-ERRA u Budimpešti, na kojoj će se glasati o partnerskom članstvu FERK-a, a koje se nisu mogle ranije predvidjeti, odlučeno je kao u dispozitivu ove odluke.

PREDSJEDNIK FERK-a
Zdenko Šimunović s.r.